



Bosnia and Herzegovina  
Federation of Bosnia and Herzegovina

**CANTON SARAJEVO**  
**Cantonal Civil Protection Administration**

Broj: 06-14-143-14/19  
Sarajevo, 20.01.2020. godine

Na osnovu člana 64. stav (1) tačka b), člana 70. st. (1), (3) i (6) Zakona o javnim nabavkama ("Službeni glasnik BiH" broj: 39/14), člana 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH" broj: 103/14), na Preporuku Komisije za nabavku broj: 06-14-143-11/19 od 16.01.2020. godine, u postupku javne nabavke pumpe velikog kapaciteta za ispušavanje vode i mulja, v. d. Direktor Kantonalne uprave civilne zaštite Kantona Sarajevo, *d o n o s i*

**ODLUKU**  
**o izboru najpovoljnijeg ponuđača**

**Član 1.**

Prihvata se Preporuka Komisije za nabavku, broj: 06-14-143-11/19 od 16.01.2020. godine da se u otvorenom postupku javne nabavke pumpe velikog kapaciteta za ispušavanje vode i mulja prema specifikaciji iz Tenderske dokumentacije zaključi ugovor sa grupom ponuđača, Vatropromet d.o.o. Banja Luka i Vatropromet d.o.o. Zagreb, prema ponudi broj: PO-235a-01/20, dostavljenoj dana 14.01.2020. godine za ponuđenu cijenu od 341.798,00 KM (slovima: tristotinečetrestjednahiljadasedamstotinadevedesetosam KM), bez PDV-a kao najpovoljnijem ponuđaču.

**Član 2.**

Izabrani ponuđač je dužan dostaviti original ili ovjerenu kopiju dokumenta iz člana 45. stav (1) tačka a) do d) Zakona o javnim nabavkama („Službeni glasnik Bosne i Hercegovine“, broj 39/14) u roku od 5 (slovima: pet) dana, računajući od dana kada je obaviješten o izboru najpovoljnije ponude, ukoliko isti nisu dostavljeni uz ponudu.

**Član 3.**

Prijedlog ugovora o nabavci dostavit će se na potpis izabranom ponuđaču nakon isteka roka od 15 (slovima: petnaest) dana, računajući od dana kada su svi ponuđači obaviješteni o izboru najpovoljnije ponude.

**Član 4.**

Ova Odluka objavit će se na internet stranici Kantonalne uprave civilne zaštite Kantona Sarajevo ([www.kucz.ks.gov.ba](http://www.kucz.ks.gov.ba)), istovremeno sa upućivanjem **ponuđačima** koji su



učestvovali u postupku javne nabavke, u skladu sa članom 70. stav (6) Zakona o javnim nabavkama.

#### **Član 5.**

Za realizaciju ove Odluke zadužuju se Kantonalna uprava civilne zaštite Kantona Sarajevo i Ministarstvo finansija, da izvrši prijenos sredstava po naredbi Kantonalne uprave civilne zaštite Kantona Sarajevo, u skladu sa planom Budžet Kantona Sarajevo.

#### **Član 6.**

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

#### **Obrazloženje**

Postupak javne nabavke "Nabavka i isporuka pumpe velikog kapaciteta za ispušavanje vode i mulja" pokrenut je Odlukom o pokretanju postupka javne nabavke broj: 06-14-143/19 od 20.06.2019. godine.

Javna nabavka roba: "Nabavka i isporuka pumpe velikog kapaciteta za ispušavanje vode i mulja" je sprovedena putem Otvorenog postupka, postavljanjem TD na Portal javnih nabavki. Za predmetni postupak je bilo predviđeno provođenje E – aukcije.

Procijenjena vrijednost javne nabavke (bez uključenog PDV-a) je do 341.800,00 KM (slovima: tristotinečetrestjednahiljadaosamstotina KM). Obavještenje o nabavci je objavljeno na Portalu javnih nabavki broj: 282-1-1-64-3-34/19, dana 22.10.2019. godine, a istog dana u Službenom glasniku BiH, broj: / 72/19 strana 10 od 25.10.2019. godine.

Komisija za nabavku, imenovana je Odlukom broj: 06-14-143-1/19 od 20.06.2019. godine.

Komisija za javnu nabavku dostavila je Direktorcu Zapisnik o pregledu i ocjeni ponuda broj: 06-14-143-10/19 od 16.01.2020. godine, Preporuku o izboru najpovoljnijeg ponuđača broj: 06-14-143-11/19 od 16.01.2020. godine i Izvješćaj o radu broj: 06-14-143-12/19 od 16.01.2020. godine, u postupku javne nabavke i isporuke pumpe velikog kapaciteta za ispušavanje vode i mulja, a prema specifikaciji iz TD.

U postupku po Izvješćaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljena 1 (jedna) ponuda,
- da je blagovremeno primljena 1 (jedna) ponuda,
- da nije bilo neblagovremeno primljenih ponuda,
- da je ponuda grupe ponuđača, Vatropromet d.o.o. Banja Luka i Vatropromet d.o.o.

Zagreb, kvalifikovana i prihvatljiva, da su dostavljeni svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija za nabavke u skladu sa kriterijima iz tenderske dokumentacije, pravilno i u potpunosti izvršila ocjenu kvalifikovanosti ponuđača, kao i pregled i ocjenu ponude.

U postupku ocjene provedenog postupka predmetne nabavke, rukovodilac Ugovornog organa nije našao razloge nepravilnosti niti propuste u radu, koje bi eventualno bili osnov za neprihvatanje Preporuke Komisija za nabavku.





Naime, u postupku je ocijenjeno, da je Komisija za nabavku u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama, podzakonskim i općim aktima, tenderskom dokumentacijom.

Za navedeni postupak nije zakazana e – aukcija, shodno odredbama člana 3. stav (3) Pravilnika o uslovima i načinu korištenja E-aukcije ("Službeni glasnik Bosne i Hercegovine", broj: 66/16) jer je primljena jedna prihvatljiva ponuda i postupak javne nabavke je okončan na osnovu člana 69. stav 1. tačka a) Zakona o javnim nabavkama ("Službeni glasnik Bosne i Hercegovine", broj: "39/14). Uvidom u priloženu dokumentaciju, nesporno je da je izabrani ponuđač najbolje ocijenjen, jer je prema kriteriju za izbor (najniža cijena) njegova ponuda u ukupnom iznosu od 341.798,00 KM (slovima: tristotinečetrestjednahiljadasedamstotinadevedesetosam KM), bez PDV-a, rangirana na prvo mjesto i ispunjava sve uslove zadane u tenderskoj dokumentaciji.

Iz navedenih razloga, primjenom člana 64. stav (1) tačka b), člana 70 st. (1), (3) i (6) Zakona o javnim nabavkama, člana 8. stav (2) tačka d) Pravilnika o uspostavljanju i radu komisije za nabavke i člana 92. stav (3) Pravilnika o unutrašnjoj organizaciji Kantonalne uprave civilne zaštite, odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem Ugovornog organa, kao prvostepenog organa i to na način propisan odredbama člana 99. Zakona o javnim nabavkama.

Ugovorni organ će postupati po žalbi na način propisan odredbama člana 100. Zakona o javnim nabavkama.

v. d. **DIREKTOR**  
Kemal Cacac

#### **Dostaviti:**

-Vatro-Promet d.o.o. (predstavnik)  
ul. Braće Jugovića br.26.,  
78000 Banja Luka  
-a/a



web: <https://kucz.ks.gov.ba>  
e-mail: [kucz@kucz.ks.gov.ba](mailto:kucz@kucz.ks.gov.ba)  
Tel: + 387(0)33 257-330, 257-335  
Fax: + 387(0)33 257-336  
Sarajevo, Fehima efendiće Čurčića 1

